

土蓋永歸土釜而成寶也

說經十遍枯骨更生皆起成人是時一國是男是女莫不傾心皆受護度咸得長生

天五生土以地十成之

玄師曰天尊十遍說經五行生成之道先五行生數後五行成數十轉迴靈之道也明其道則長生用其道則證此十瑞大功

重玄章

道言是時元始天尊

覆述天尊周回說經以召十方之事重顯指其方所次序

道藏輯要

度人經法

八

九集七

說經一遍

震文

東方无極无量品至真大神无鞅之眾浮空而

至

太安堂鄉納善世界

說經二遍

離文

南方无極无量品至真大神无鞅之眾浮空而

至

宛梨城境棄賢世界

一作宛梨

說經三遍

兌文

西方无極无量品至真大神无鞅之眾浮空而

至

福堂洲咸行世界

說經四遍

坎文

北方无極无量品至真大神无鞅之眾浮空而

至

鬱單野清淨世界

說經五遍

良文

東北无極无量品至真大神无鞅之眾浮空而

至

福集鄉長安世界

說經六遍

巽文

東南无極无量品至真大神无鞅之眾浮空而

至

元福田用賢世界

說經七遍

坤文

西南无極无量品至真大神无鞅之眾浮空而

至

道藏輯要

度人經法

九

九集七

延福鄉仁靜世界

說經八遍

乾文

西北无極无量品至真大神无鞅之眾浮空而

至

福得野延賢世界

說經九遍

戌上

上方无極无量品至真大神无鞅之眾浮空而

至

諸天宮闕

說經十遍

辰下

下方无極无量品至真大神无鞅之眾浮空而

至

洞淵九壘正行遊梵四音三十六宮大地官府北酆諸宮

十遍周竟十方无極天真大神一時同至一國男女傾心歸仰
來者有如細雨密霧无軌之眾進國一半主皆偏陷非可禁止
於是

元始懸一寶珠

雙手指
玉清文

大如黍米在空玄之中去地五丈

玄師曰天尊施玄妙大化懸一寶珠在空玄之中莫測所懸
之系黍米者馨香五穀之長去地五丈者離於五欲五塵五
聚五色五香五聲出五濁世在五行數外故能入空玄之妙
辭幽棲註寶珠者喻道也亦同立珠之義黍米者五穀之長
爲生人之本言人之得經如命之資米五濁既出自無眾患
五行不用永離相刻自然長生久視得道成真

道藏輯要

度人經法

十

九集七
XIII

元始登引天真大神上聖高尊妙行真人十方无極至真大神
无_二數眾俱入寶珠之中天人仰看唯見勃勃從珠口中入既
入珠口不知所在

天真上聖妙行至真炁合道妙體合道真故能隨天尊登引
入空玄黍珠之中天人體未合真不能同人仰看而已且下
格小仙有芥子納須彌之妙懸壺天地之境何況大聖天尊
敷宣大教示現神變也以至道言之一國者一身之比傾陷
者道有傾迨未全一體難稱立重之妙天人則萬神也天真
大神上聖高尊妙行真人則三元之神也天尊則自己元神
一身之主也以內景妙道言之乃玉清寶珠神仙胎化之訣

國人廓散地還平正无復歆陷

元始卽於寶珠之內說經都竟眾眞監度以授於我

元始說經於寶珠之中眾聖俱入此時只度道君一人道君
受得此經故云以授於我我卽道君自稱也

當此之時喜慶難言法事粗悉諸天復位條歛之間寂无遺響
是時天人遇值經法普得濟度全其本年无有中傷傾土歸仰
咸行善心不殺不害

除身業罪

不嫉不妬

除心業罪

道藏輯要

度人經法

士

亢集七

不姪不盜

除身業罪

不貪不欲

除心業罪

不憎不妬言無華綺口无惡聲

復除心業罪也此十二大戒凡修誦此經先須受持

齊同慈愛異骨成親國安民豐欣樂太平

演梵章

經始出教一國以道預有至心宗奉禮敬皆得度世

雙手玉清
文至此放

宣祕章